

სახელმწიფო შესყიდვის შესახებ ხელშეკრულება №45

ქ. ბათუმი

ერთის მხრივ, ა(ა)იპ „ტურისტული პროდუქტების განვითარების სააგენტო“ (შემდგომში „შემსყიდველი“) წარმოდგენილი მისი დირექტორის მოვალეობის შემსრულებლის თამარ ხაბაძის სახით და მეორეს მხრივ შპს „რემონტალი“ (შემდგომში „მიმწოდებელი“), წარმოდგენილი მისი დირექტორის შალვა ჭოხონელიძის სახით „სახელმწიფო შესყიდვების შესახებ“ საქართველოს კანონის, საქართველოს მოქმედი კანონმდებლობისა და შპს „რემონტალის“ სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება NAT190006746) (კლასიფიკატორის კოდი: CPV 39294100 - საინფორმაციო და სარეკლამო პროდუქცია) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი და ღირებულება

- 1.1 ხელშეკრულების საგანს წარმოადგენს 4 (ოთხი) ცალი ორმხრივი მანათობელი კონსტრუქციის (ლაითობოქსები) დამზადება/მონტაჟის შესყიდვა ტექნიკური პარამეტრების შესაბამისად;
- 1.2 ხელშეკრულების საერთო ღირებულება შეადგენს **20 000 (ოცი ათასი) ლარს**.
- 1.3 ხელშეკრულების საერთო ღირებულება მოიცავს ხელშეკრულებით გათვალისწინებული საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.
- 1.4 შესყიდვის ობიექტის ოდენობა, ერთეულის ფასი და აღწერილობა მოცემულია ფასების ცხრილში - დანართი N1, რომელიც წარმოადგენს ამ ხელშეკრულების განუყოფელ ნაწილს.

2. შესყიდვის ობიექტის ხარისხი და სტანდარტები

- 2.1 ხელშეკრულების ფარგლებში მიწოდებული საქონელი და მომსახურება უნდა შეესაბამებოდეს სტანდარტებსა და ტექნიკურ ნორმებს.
- 2.2 მიმწოდებელი იძლევა ვალდებულებას, რომ მიწოდებული საქონლისა და მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 2.3 მიმწოდებელი იძლევა გარანტიას, რომ მიწოდებული საქონელი და მომსახურება მისი ექსპლუატაციის ნორმების დაცვის შემთხვევაში არ გამოავლენს დეფექტს.
- 2.4 მიმწოდებელი ვალდებულია საგარანტიო პერიოდში შეტყობინების მიღებისთანავე განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გარეშე.
- 2.5 მიმწოდებელი ვალდებულია:
 - ა) ხელშეკრულების გაფორმებიდან 10 დღის ვადაში მოავლინოს ტექნიკური ჯგუფი, რომელიც მოახდენს განსათავსებელი ადგილების დათვალიერებას, შესწავლასა და ელექტროგაყვანილობისა და დამონტაჟების ნახაზის შედგენასა და მოწოდებას;
 - ბ) ხელშეკრულების გაფორმებიდან 30 დღის ვადაში უზრუნველყოს ერთ-ერთი დასრულებული მანათობელი კონსტრუქციის (ლაითობოქსის) მოწოდება ნიმუშისთვის.

3. ხელშეკრულების შესრულების კონტროლი

- 3.1 შემსყიდველს ან მის წარმომადგენლებს საჭიროების შემთხვევაში უფლება აქვთ განახორციელონ ტექნიკური კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.
- 3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3 შემსყიდველის მხრიდან კონტროლს (ინსპექტირებას) განახორციელებს სააგენტოს:

- ა) ტურისტული პროდუქტებისა და სერვისების განყოფილების უფროსი - ანო დოლიძე;
ტურისტული პროდუქტებისა და სერვისების განყოფილების სპეციალისტი - იურა ბაბაიანი;
გ) ტურისტული პროდუქტებისა და სერვისების განყოფილების სპეციალისტი - ჯემალ ჭელიძე;

4. შესყიდვის ობიექტის მიწოდების ვადები, პირობები და ადგილი

- 4.1. შესყიდვის ობიექტის მოწოდება განხორციელდება მიმწოდებლის მიერ წარმოდგენილი სატენდერო წინადადების საფუძველზე.
4.2. შესყიდვის ობიექტის მიწოდება მიმწოდებლის მიერ უნდა განხორციელდეს ხელშეკრულების გაფორმებიდან 60 (სამოცი) კალენდარული დღის ვადაში.
4.3. შესყიდვის ობიექტის მოწოდებას და მონტაჟს მიმწოდებელი უზრუნველყოფს საკუთარი სახსრებით, საქონელი მიწოდებულად ჩაითვლება მხარეთა შორის მიღება-ჩაბარების აქტის გაფორმების შემდეგ.
4.4. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო შესყიდვის ობიექტი.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება-ჩაბარება განხორციელდება საბოლოოდ მიწოდებული საქონლის შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით,
5.2 შემსყიდველის მხრიდან საქონლის მიღება-ჩაბარების აქტზე ხელმოწერი პირ(ებ)ია:
ა) დირექტორი - თინათინ ზოიძე;

6. ანგარიშსწორება

- 6.1. ანგარიშსწორების ფორმა – უნაღდო;
6.2. შემსყიდველი ანგარიშსწორებას ახორციელებს საბოლოოდ მიწოდებული საქონლის შესაბამისად მხარეთა შორის მიღება-ჩაბარების აქტის გაფორმებისა და მიმწოდებლის მიერ შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში.
6.3. მიმწოდებელთან ანგარიშსწორება ხორციელდება ეროვნულ ვალუტაში - ლარში.

7. ფასები

- 7.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.
7.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.
7.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
7.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
7.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

8. ხელშეკრულებაში ცვლილებების შეტანა

- 8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
8.2. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 5 კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.
8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების შეწყვეტა

9.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ.

9.2 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

9.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

9.4. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

9.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. გარანტია

10.1. ექსპლოატაციის ნორმების დაცვის შემთხვევაში, მანათობელი კონსტრუქციაზე (ლაითბოქსებზე) მიმწოდებელი იძლევა გარანტიას, საგარანტიო ვადა შეადგენს მიღება-ჩაბარების აქტის გაფორმებიდან 2 (ორი) წელს, საგარანტიო პერიოდში კონსტრუქცია უნდა იყოს მდგრადი, შენარჩუნდეს კონსტრუქციის თავდაპირველი სახე სრულყოფილად. აღნიშნული პერიოდის განმავლობაში მიმწოდებელი ვალდებულია შემსყიდველის მოთხოვნიდან, შეტყობინებაში მითითებულ ვადაში საკუთარი სახსრებით უზრუნველყოს დეფექტის/ ხარვეზის / ნაკლის აღმოფხვრა, ან მოწოდებული საქონელი შეცვალოს ახლით. საგარანტიო ვადა ძალაში რჩება ხელშეკრულების მოქმედების ვადის გასვლის შემდეგაც (მიღება-ჩაბარების აქტის გაფორმებიდან 2 წელი).

10.2. მიმწოდებლის მიერ ხელშეკრულებით განსაზღვრული მიწოდებული საქონლის ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს, საქართველოში არსებულ წესებსა და ნორმებს და საერთაშორისო სტანდარტებს.

10.3. 10.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

11. უფლებების გადაცემა

11.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

12. სუბკონტრაქტორები

12.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

12.2. ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.

12.3. ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

13. ხელშეკრულების პირობების შეუსრულებლობა

13.1. წინამდებარე ხელშეკრულებით ნაკისრი ვალდებულებების შეუსრულებლობის ან არასათანადო შესრულების შემთხვევაში, ასევე ხელშეკრულებით ნაკისრი ვალდებულებების შესრულების ვადების

გადაცილების შემთხვევაში მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების საერთო ღირებულების 0,02 %-ის ოდენობით.

13.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

13.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

15. ფორს-მაჟორი

15.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

15.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

16. გამოყენებული სამართალი

16.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. ხელშეკრულების ენა

17.1. ხელშეკრულება შედგენილი უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

18. გადასახადები და დაბეგვრა

18.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

18.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

19. სხვა პირობები

19.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

19.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

20. ხელშეკრულების მოქმედების ვადა

20.1. წინამდებარე ხელშეკრულება ძალაშია მხარეების მიერ მისი ხელმოწერის თარიღიდან და მოქმედებს 2019 წლის 31 დეკემბრის ჩათვლით. ხოლო აღნიშნულ ვადაში ვალდებულების შესრულებლობის შემთხვევაში მის სრულ და ჯეროვან შესრულებამდე.

21. მხარეთა იურიდიული მისამართები და რეკვიზიტები

ა(ა)იპ „ტურისტული პროდუქტების განვითარების სააგენტო“	შპს „რემონტალი“
მის: ქ. ბათუმი, ფარნავაზ მეფის ქ. #84/86	მისამართი: თბილისი დიდუბე - ჩუღურეთის რაიონი, წერეთლის გამზ. N 87
საიდენტიფიკაციო კოდი: 445388054	საიდენტიფიკაციო კოდი: 202457956
საქართველოს ფინანსთა სამინისტროს სახაზინო საწარმო	საბანკო რეკვიზიტები: საქართველოს ბანკი
ბანკის კოდი: TRESGE22	ბანკის კოდი: BAGAGE22
ა/ა № – GE24NB0330100200165022	ა/ა № – GE79BG0000000634088000
დირექტორის მოვალეობის შემსრულებელი	დირექტორი
_____/თამარ ხაბაძე/	_____/შალვა ჭოხონელიძე/

ფასების ცხრილი

N	დასახელება	ტექნიკური მახასიათებლები/აღწერილობა	მწარმოებელი ქვეყანა/კომპანია	მდებარეობა	გარანტია (წელი)	რაოდენობა	ერთეულის ფასი (ლარი)	სულ ღირებულება (ლარი)
1	ორმხრივი მანათობელი კონსტრუქციის (ლაითბოქსი) თანმდევი მონტაჟით შესყიდვა	კონსტრუქცია: სიმაღლე: 200 სმ. / სიგანე: 115 სმ./ სისქე: 20 სმ. მათ შორის კონსტრუქციის დასადგამის(ფეხის) სიმაღლე 40 სმ./ სიგანე 70 სმ. საინფორმაციო-სარეკლამო ბილბორდის კონსტრუქცია უნდა იყოს ორმხრივი და გარედან დაფარული, მაღალი ხარისხის, (ფერი შემსყიდველთან შეთანხმებით)გლუვი, 4 მმ. სისქის (კედელი არანაკლებ 50 მიკრონისა), ალუმინის კომპოზიტური პანელით (დიზონდი კერამიკის შიგთავსით (უწყადი). კონსტრუქციას უნდა ჰქონდეს ორი სარკმელი, რომლებშიც ჩასმული უნდა იყოს 8 მმ. სისქის პოლიკარბონატი (მონოლითური). სარკმლების უკან, ორივე მხარეს, მოთავსებული უნდა ჰქონდეს საინფორმაციო-ვიზუალური მასალები, რომლებიც უნდა დაიბეჭდოს მაღალი ხარისხის, გარე გამოყენების ფოტო ფირებზე. ფირები გადაჭიმულია და სრულად ავსებენ კონსტრუქციის სარკმლებს. ბილბორდის მთლიანი კონსტრუქცია, როგორც შიგნიდან, ასევე გარედან, უნდა იყოს მყარად შეკრული და კარგად გამაგრებული (ვანდალიზმისგან დასაცავად). კონსტრუქცია შიდა ჩონჩხი უნდა შეიკრას და გამაგრდეს მინიმუმ 2 მმ. კედლის სისქის მექონე მილ-კვადრატებისგან, რომლებიც შეიღებება მაღალი ხარისხის, (ფერი შემსყიდველთან შეთანხმებით), ანტიკოროზიული საღებავით. კონსტრუქციის ქვედა ნაწილი (რომელიც განსაკუთრებით საფრთხილოა, რომ ფეხის დარტყმით დააზიანონ), შიდა მხრიდან, დამატებით უნდა გამაგრდეს ორი ან მეტი მილ-კვადრატით. ბილბორდების კონსტრუქცია იდგმება ღია ცის ქვეშ და გამძლე უნდა იყოს ბუნებრივი პირობების მიმართ (ყინვა/წვიმა/თოვლი/მზე და არ უნდა ჩადიოდეს წყალი). კონსტრუქცია გათვლილი უნდა იყოს ხანგრძლივ ექსპლუატაციაზე და საშუალებას იძლეოდეს მარტივად შეიცვალოს მასში მოთავსებული საინფორმაციო-ვიზუალური მასალა. კონსტრუქციის სარკმელები უნდა იკეტებოდეს საიმედო საკეტებით (დანართში მითითებული სისტემების ანალოგიური ან მსგავსი. ზუსტი ვარიანტი შეთანხმდება შემსყიდველთან). სამონტაჟო სამუშაოები - შემსრულებელმა, უნდა უზრუნველყოს, ბილბორდის კონსტრუქციის მონტაჟისათვის საჭირო ყველა სახის სამუშაოების შესრულება (ტრანსპორტირება, საფარის აყრა, მიწის ამოთხრა, კაბელების ჩადება, მიწის დაყრა, საფარის აღდგენა და ა.შ.) და სამონტაჟო სამუშაოების შედეგად	საქართველო / შპს. რემონტალი	ქ.ბათუმი, ქობულეთი	2	4	5000	20000

	დაზიანებული ინფრასტრუქტურის პირვანდელი სახით აღდგენა. საფარი ისე უნდა იქნას აღდგენილი (ბილბორდის მონტაჟამდე), რომ მაქსიმალურად დაიფაროს ბეტონის სამუშაოების კვალი. კონსტრუქცია მიწაში უნდა ჩამაგრდეს მყარად, არმირებით შეკრული 4 ფენით. ფენები ბეტონში უნდა ჩავიდეს 60 სმ-ის სიღრმეზე და გამაგრდეს მაღალი ხარისხის ბეტონით. განათება და ელ. მომარაგება - ბილბორდების კონსტრუქცია უნდა განათდეს მაღალი ხარისხის, თეთრი ნათების მქონე შუქდიოდური ლენტით (სიგრძე: 6 მ; ვოლტაჟი: 12 V; ამპერაჟი: მინიმუმ 2 A გრძივ მეტრზე). შემსრულებელმა, კონსტრუქციის ელ. ენერგიით კვებისათვის, უნდა უზრუნველყოს ელ. ენერგიის კონსტრუქციამდე მიყვანა და დაერთება (ორმაგი იზოლაციის მქონე ელ. ენერგიის კაბელი კონსტრუქციამდე მიდის მიწისქვეშიდან, მოთავსებულია მაღალი ხარისხის და გამძლეობის მქონე გოფრირებულ მილში და ჩადებულია 0.5-0.7 მ-ის სიღრმეზე). ასევე მოაწყოს დამცავი დამიწება თითოეული ობიექტისათვის, გაზომვით და შემსრულებელმა კომპანიამ უნდა წარმოადგინოს გაზომვითი სამუშაოების ჩატარების ნახაზი. კონსტრუქციებში უნდა ჩაყენდეს ავტომატური გამთიშველები. ყველა აღნიშნული სამუშაო უნდა ჩატარდეს, ელექტრო მოწყობილობების მოწყობის მოთხოვნების სრული დაცვით						
	ჯამი დღგ-ის ჩათვლით						20000

შემსყიდველი:

ა(ა)იპ ტურისტული პროდუქტების
განვითარების სააგენტო

დირექტორის მოვალეობის შემსრულებელი

თამარ ხაბაძე

მიმწოდებელი:

შპს. რემონტალი

დირექტორი

შალვა ჭოხონელიძე